

viperis. Linimenta pro absterfione defœdationis cutis succus hordei & faba cocta, cum succo mali citri, vel aranci, limonum, & medulla panis. Post istam linitionem confert cerotum rosatum propter rubedinem: Decoctum verbenæ, betæ, semperuiui maioris & minoris. Procuretur sudor: nam per ipsum possunt euacuari istæ malignæ materiæ.

FRISIMELICA. in eandem.

Agitur decimus annus ex quo laborat morbo **B** ista magnifica Domina, quas affectiones subsecuta sunt suppressiones euacuationum omnino consuatarum, scilicet & mensium & ipsius vrinæ: quas suppressiones mensium prouocare volens Chirurgus exhibuit multum calida, ex quibus plus iusto incaluit, quam inflammationem subsequuta sunt plurima symptomata. Postea etiam malè curata est ab alio medico Hebræo. Temperatura naturalis istius mulieris est calida. Dispositiones preter naturam sunt tres, morbus, causæ & symptomata. Incipiam ergo à symptomatibus, & primò à qualitate mutata, & primò in facie. Color est permutatus in liuidum & nigricantem, oculi sunt rubicundi & obscuri. Quantitas etiam vniuersa circa faciem excreuit, & labia intumuerunt & palpebræ & nares, & tempora. figura quoque est permutata, operationes quoque sunt corruptæ & diminutæ: nihil enim excernit per nares, & vox est immutata ad raucedinem, & visio est diminuta: quare timeo ne capiatur oculis, & habeat grauitatem & difficultatem respirationis, aiquando intumescunt crura. Vrina liuida, menses suppressi, licet videatur tempus conueniens vt sit suppressio mensium. est enim annorum 56. Excrementa quoque alui sunt suppressa. Item appetitus est destructus, & virtus sensitua, omnia perturbata & terribilia. Causæ symptomatum iam inquirendæ sunt. Ego credo morbum esse vniuersalem, quoniam sunt quidam morbi particulares & quidam vniuersales. Vniuersales sunt, qui obsident vniuersum corpus, qui quandoque proueniunt ab vno membro, vt in febre à corde: tamen afficitur totum corpus, sic quoque hic ipsum epar. Nunc autem est affectio calida & sicca, temperatura mala totius corporis calida & sicca. meo iudicio appellanda est iustè Elephantiasis, ab ipsa similitudine. Ortum habet ab epate, vt dictum est. Affectum est totum corpus, tamen vt plurimum affecta est ipsa facies: sed & membra omnia affecta sunt per consensum ab epate. Epar autem habet istam malam temperaturam fortasse ab ipsa matrice, quæ cum non fuit purgata, erat affecta, & per consensum affecit quoque epar. Sunt & aliæ causæ affectionis huius in hac muliere, scilicet mala curatio Medicorum, qui volentes prouocare menses, secarunt saphenam pleno corpore, cum prius secanda erat brachij, ex quo subsecutæ sunt maiores obstructions. Aliud erratum fuit maxime in causa, quod ad inflammationem cruris factam ad sectionem saphenæ derepentè proiecerant aquam frigidam, & tunc ille calor retrocedens deuenit ad epar, & adussit omnes humores, ex qua inflammatione non poterat sanari à medi-

cis rationalibus: & tunc accersit quendam empiricum Hebræum, qui exhibuit syrupos quosdam calidos præparatos cum calcantho: quare illa deuenit non solum ad magnam inflammationem epatis, sed etiam toti corporis, & omnium humorum atque capitis. hæ sunt causæ symptomatum antea dictorum.

Essentia morbi. Quis autem humor sit hic peccans in ista magnifica Domina? Certè nulli dubium est humorem hunc esse melancholicum, qui cum generatur ex sanguine & bile, videndum est an hic humor melancholicus sit ex adustione flauæ bilis, vel melancholiæ naturalis, aut ipsius sanguinis. Nam si esset ex adustione flauæ bilis, sequerentur erosiones & alia symptomata, quæ hic non apparent, sic etiam ex adustione humoris melacholici naturalis. Quare autem color sit permutatus, manifestum est, scilicet quoniam ipsum humorem liuidum sequitur talis color. hunc etiam humorem sequuntur ista tubercula & pustulæ in facie, quoniam etiã facies est membrum imbecille. Nares sunt obstructæ propter crassitiem humorum. Vox etiã est impedita, & est difficultas anhelitus, propter siccitatem, grauitatem & grossitiem humorum.

Quantum ad prognosticum, dico quod isti morbi quando sunt inueterati, sunt incurabiles, secundum sententiam Pauli & Gal. at cum simus in principio, Gal. laudat se eurasse elephantiam, vt in 6. Aphorif. Quare & nos, licet sit hæc affectio difficilis curationis, desperandum non putamus.

Curatio. Quare primò superfluitates iam genitæ sunt expurgandæ, & postea temperandum est & epar & vniuersum corpus. Proinde leniatur aluus casia. Postmodum esset secanda vena ex basilica dextri brachij: sed quia antea secta est, iam eius sectione non indigemus, tamen potest reiterari. Et cum hi humores fuerint præparati syrups, vt de fumaris & aliis, tunc erunt euacuandi. Et quia lenitiuis nihil efficiemus propter eorum resistentiam, vehementioribus ita procederem, vt helleboro & aliis, in quibus permiscetur helleborus vt confectio hamech cum syrupo rosato, & euacuarem bis, ter, quater, iuxta sententiam Auicennæ. Ego igitur exhiberem medicinam fortem, debilem postea, iam euacuato corpore, ad alterandum & corroborandum corpus. Item laudarem trochiscos de vipera, quorum caliditatem si timeam, permiscerem saccharum rosatum, vel theriacam bonam si haberemus. Refrigerandum est etiam epar. Diarhodon Tria sandala. Item suncus, quo vtatur frequentissimè. Item cichoraceis omnibus, & lactucis coctis & cibariis. In autumno purganda erit iterum, & secanda erit vena, & prouocandæ erunt omnes suæ consuetae euacuationes. Cibaria, borago, spelta, ptisana, pisces petrosi & saxatiles: vinum caueat nisi ratione epatis, & tunc sit pauciferum. Aer temperatus, sit læto animo, & non tristetur. Ad accidentia considerando pro oculis opponenda illa erunt frigida metalla.

G Pro deformitate faciei ergo non multum curarem, nam & ipsa non multum conqueritur: sed lapathium, fumaris, ad absterfionem fœditatû corporis ac cutis optima erunt. Tempore Caniculari

Tro: de Vipera laudat.